

September, 2015 (Nilâini /Wednesday)

Thupui : Lungrîl siamtharnôkna

(Rom. 12:2; II Kor. 4:16; Efe.4:20-24)

Chairman : _____

Thuhriltu : _____

Lungrîla siamtharnôkna nei loiin chu siamtharna, indanglamna thar om thei ngai mah. Siamtharnôk hrangin itinrenga lungrîl tumna a nang masa tak a ni. Siamtharnôkna lampuia ei irlôl maiin chu ei lungril ei inthar a ni. Lungrîl ngaituana kha a thar zêl nôl chu ei lungril hi intharna tiang irthûl viat no nih. Ei hringnun inthar nôk theina hrang lampui tak chu ei lungrîl ei siana tak kha a ni.

Bible-ah hril lam angin ei lungril irngatna hrang tak chu: -

1. Chung tiang thila ni lungrîl irngat roh (Kol. 3:1-2)
2. Irtha tianga thila ni lungrîl irngat roh (Rom. 8:5)
3. Pathian Thu, chongchai le Kristian (irthianga irpôlkhomna)

leh

khan ni lungril kha infakhop roh (Tir. 2:42; Sam. 1).

Lungril intharnôkna leh khan thil milui (nun milui) a pai theia, Krista nunzia zuiin hringna thar a hong irput thei ngai a ni.

Insîrsôpna:-

1. Zoro tina hin siamtharna nang mai ri se ti hi ni pom mo?
2. Lungril siamtharnôk theina omziahai hrilsôp roh.

02nd

Thumahruai

Kum 2015-ah CHT Synod Beirual Thupui:-**Kristaa siamtharnôkna (Renewing Life in Christ)** (Rom 12:1 & 2, Ezek. 36:26; II Kor. 5:17) hi 86th Annual Session, PCI Songpijang-ah hril hrangin zoro satak ki dong sikin ki lom tak tak a ni. Ei lei ihmang tak angin Synod Thupui hriltu (*Speaker*) takin hi Beirual Thupui Programme ziaktu a ichang ngai a ni. Mihriam chu hriatna nei intôm ei ni angin thupui le sermon irsâng hong siam suak thei ma ung. Sermon sei tak tak siam hrangin tum ma ung. Thuhriltuhai khan Sermon an siam intam ual theina hrangin lampui ki ipêk nuam ual a ni. Synod thupui siam hrangin inrukna nei no khom inlan thuhriltu hranga inkung tak (*appointed*) ki ni sikin hi thupui siam hrangin ki poma ki irziak tak a ni. Hi Beirual thupui hih Koiindang tinin le mimal tin khomin Synod pumpuiin inlappui nget hrangin Rengpan'n satvurhai ri se. Khan Synod lei tho dân dungzui angin, Beirual thupui hi buk thuma sensai a ni.

- 11 - 20) A) Kristaa siamtharnôkna nun: (Sept. 01 - 10)
 B) Kristian insûngkua (*Christian Home*): (Sept.
 C) Kristian Mission : (Sept. 21 - 30).

Tarik

Thupui

A. (1 -10 Sept.) : Kristaa siamtharnôkna nun

1. Sinnôkni : Kristaa siamtharnôkna nun
2. Nilaini : Lungrîl siamtharnôkna
3. Nilaichum : Ei hringnun siamtharnôk a nang.
4. Irtanni : Krista siamtharnôkna nei hranga ni khâltu lianhai.
5. Irtûngni : Irtha tianga irdoina râltukfamhai
6. Pathianni : Ei hringnuna siamtharnôkna irhnot a nang ta
7. Sinphutni : Siamtharnôkna lampui
8. Sinnôkni : Kristian nuna siamtharnôkna râhai
9. Nilaini : Wales rama harna ata irchûna
10. Nilaichum : Ni hringnun inthar hrangin nang a nghâk mai

B. (11 - 20 Sept.) : Kristian Insûngkua:

11. Irtanni : Ni insûngkua ta hrangin sunmaton siamtharna ngaitua roh.
12. Irtûngni : Kristian Insûngkua chu Thisena irsinsia a ni.
13. Pathianni : Kristian Insûngkua hi Pathian Thu taka inding roh.
14. Sinphutni : Insûngkuaa sakhua mi dinghmun
15. Sinnôkni : Râl doina hranga irhrungna

Kristaa siamthar nôkna nun

BEIRUAL THUPUI, 2015

Kristaa siamtharnôkna nun

16. Nilaini : Insûngkua inpumkhatna hrang enkolna
17. Nilaichum : Insûngkuua naipang irchutirna
18. Irtanni : Kristian insûngkuua Rengpa chitna thu irchuna
19. Irtûngni : Pathian chitu pahai
20. Pathianni : Pathian chitu nuhai

C. (21 - 30 Sept.) : Kristian Mission (Christian Mission)

21. Sinphutni : Kristian Mission thiltum
22. Sinnôkni : Mission thupui / thutum (policy)
23. Nilaini : Mission mophurna
24. Nilaichum : Mission thiltumhai dik le dikloi enirkhina
25. Irtanni : Vanrama In roiinpuita a rong
26. Irtûngni : Saninhringtunuamlamaom
27. Pathiani : Midanghai ta hrang dikna sin
28. Sinphutni : Irngeina siam hranga Palaihai
(Ambassadors) ei ni. 29. Sinnôkni : Mitintahrangin
Krista a ti. 30. Nilaini : Mis-
sionary irpêktuhai tho hrang dân

Tholôm (Offering)

Kum danga ei lei ihmang dân angin, Pathianni rikipa tholôm (offering) om a ta, Literature Fund hrangin Tholôm om sa a ti. Kumin hi voi ringa tholôm (offerings) om a ti. Hi tholômhai hih Presbytery lût bakin, Synod Office-ah pêklût ni ri se.

- 06th Sept. 2015 (Pathianni) : Synod Revival Fund.
13th Sept. 2015 (Pathianni) : Presbyterian Theological Institute (PTI) Fund.
20th Sept. 2015 (Pathianni) : Synod Workers' Medical Relief Fund
27th Sept. 2015 (Pathianni) : Synod Mission Fund.
28th Sept. 2015 (Sinphutni) : Literature Fund. (Hrangkhol chonga Bible

(NT) release nikhua (28th September, 1997) inhriatmaina a nia, Tholôm le Chongchaina nei ni a ti. Hi tholôm hi chu Hrangkhol Kristian Lit-

- Rev. Joshua Jeme, B.D.
Haflong.

A. Kristaa siamtharnôkna nun (Sept. 1-10)

01st. September, 2015 (Sinnokni / Tuesday)

Thupui :- Kristaa siamtharnôkna

(Rom. 12:1&2; Ezek. 36:26; II Kor. 5:17)

Chairman : _____

Thuhriltu : _____

Thumahruai: -"Siamtharnôk" (renewal) omzia chu thil nina lei boi tak inthar, siamtharnôk tina a ni. Siamtharnôkna ti omzia ir-angpui danghai chu- suaknôk (re-birth), irzirnôk, invângtir nôkna, indingthar nôkna, inhartharnôkna, siamphutnôkna, inhring tharnôk, harsuaknôk, le inngirtharnôk, inhongtharnôk, siamtharnôk, le irzomtharnôkna, tina a ni.

Aphut taka chu hringna thar nei theina hrangin ei nun milui mani hrang ngôta tumnahai hi pai zit bak ngêt a nang. Savun thar hong theina hrangin savun milui lei irkhutu kha pai ni ri se. Paula hriatna le ngaituana ata thupêk suak chu-

1. Pathian Thu nina hnuai hin Kristianhai chu an nunchan le an om

dânhai inlangin a irthul zit hrang a ni.

2. Longak rengata phelep hong chang ei om hrang a ni.

Hi a chungu thu ata ei inhriat hranga Paula ihmangna chu siamtharnôkna le danglamna hi ei ni rengata nget tho hranga le inlangtir hranga hril a ni. Eini hratna ringota tho loiin Pathian hratna sûnga irpêkin Ama lungkhamna hnuai khan hringna thar neiin ei irthul hrang a ni. Khanchu, thil siam inthar hong ni ta ei ti (II Kor. 5:17) Hi lekhabu thu tak hi ei rengin ei inhriat zit a ni. Khasikin, Irtha hringna thar ei innang hi Pathian kuang chongchaina neia ei izong ngai a ni.

Insîrsôpna:-

1. Atûn hin inthar nôkna lampuia ni om lai tak mani ? Ani no le danglam loia ni i-om rak mani ?

06th September, 2015 (Pathianni / Sunday)

Thupui: Ei hringnun hi siamtharnôkna irhnot a nang ta.
(Rom. 1:29-30; Lk. 11:42; Thup. 2:5;
3:15 & 16; Sam. 51:17)

Chairman : _____

Thuhriltu : _____

Tholôm (Offering):- Synod Revival Fund

Kum sôm inthum mani kum sôm minli lei liam tak (30 or 40 decades ago)-ah khan sualna chi tam takhai kha lei hmu le lei ngaitua ngai mak meh. Atun chu kha sualna chi tam tak kha ei hong hmu suak tak a ni. Sualna / pualoina chi tam takhai chu-

1. Diknona:- Diknona hin ei hringnun an kôitira, kha khah ei lunginchong sualna khan ei Irtha hringnun lampui a inchâi ngai a ni.

2. Hnungkîrnôkna:- Hnungkîrnôkna nei loi hrang. Irtha lam tianga malam pan mai hrang a ni.

3. Kristian einina hin omlianna ei neia; khannisian, eini ata tharna thilhai hmu hrang om thei ngai loi.

4. Lum loi dâi loi Kristian (*Lukewarm Christian*): - Ei nunchan hi om mai maiin a hong om ngai a ni. Lodikey Koiindang nun ang a ni.

5. Koiindang Inkhôm fena le pêkna (*giving*) hin dân pangai routine angin ei hmang ngai a ni. Kha a chung a siatna ei hmanghai le inlanga omna chung a khan atûn hin nun dân dikna thar hi ei innang ngêt a ni. Pathianin mivâr irlethai le omlianhai kha a dema; khannisian, thuhnuairôl le lungrîla mi suak intharhai chu Pathianin hnôl ngai mah. Khasikin, ei lungrilhai hin Rengpa ata hringna thar ei nei nôkna hrangin chongchâina nei mai ei ti. Ei hringnun hi sual porinchea siata a lût nona hrangin inthar nôkna hi zong intam ei ti.

3rd September, 2015 (Nilaichum / Thursday)

Thupui : Ei hringnun siamtharnôk a nang.
(Gal.6:7:9; Mat. 14:27-33).

Chairman : _____

Thuhriltu : _____

Ei hringnun inzinna rama siamtharna le inhartirnôkna ei inang maia; asan chu ei hringnuna beidongna intakna arsôn mai ngai sikin inthar mai a nang. Ei bing dokin om mak meh ti hi ei irhngil hrang ni mak ti hi ei ihhriat hranga poimo chu-

1. Ei hringnun mophurna ei fepui hrang tak chu Jisua leh irhlop mai hi a ni. Taksa, lungril le Irtha tianga beiindongna ei tong lai khomin Kristianhai chu a danglam bik hrang ni mah. Bible-ah hruaitu lianhai khom lungdûkna an tong ngai a ni. Mosia, Davida leh Eliza hai hi an sinthona le an hringnuna beidongna, buaina, an tuang mai ngai a ni. Pathianin mihai a hruai laia khan puakrik an pêla Rengpa ram lâk tumin irdoina an kopa, Rengpa Thu an inpuanga, Rengpa ta hrangin irpêk zoina an nei. Rengpa ikoihai chu an nia; beidongna le lungdûkna an chung a arsôn mai ngai. Hruaitu le Koiindang member-hai hih dengtheina le beidongnahai tok thei mai ngai an nia; khasikin, siamtharnôkna chu an innang mai a ni.

2. Sin ei tho laiin demna, soiselna, hnôlna ei toka; beidongna le lungzingna a hong irsang ual ngai a ni. Kha dengtheina khan taksa hriselna khom a hong oma itea hmang hmun boi angin ei irbe ngai a ni. Vângduaina a ni bôma intaknahaiin a nin buai lai khomin ei tuang zoiin chu 'hringna thar' tiin mi'n ni koi thei an ti.

3. Kristaa hringna thar ei changin chu hong thoi thei nôk ei ta, Krista hriatpuitu ni ei ta; khanchu, mi murdi ta hranga satvurna ni thei ei ti. Petera khom kha tuia a ngim lai khan Jisuan a kuta intukin a kai thoi nôk a ni. Ni kut indom inlan, Jisuan ni kuta nang lei intûk a ta; khanchu, hratna nei ni ta, ni hringnuna intakna lampuihaia khom irloi thei ni ti.

Insîrsôpna:- _____

Ni hringnun siamtharnôkna nei hrangin ithilin mo nanga inbuai

04th September, 2015 (Irtanni/Friday)

Thupui :- Kristaa siamtharnôkna nei hranga ni khâltu lianhai.

(Josua. 1:9)

Chairman : _____

Thuhritu : _____

Ni hringnuna Krista leh irpôlna thar neina hranga Setanin lampuilian chi kiruk a hman.

1. Beidongna:- Hâina boiin chu har theina le Pathian ni inuam tak hringna thar nei thei ngai mak meh. Setanin beiindongna a siam mai ngai a ni (Joh. 1:9)

2. Ngûina:- Ngûina, sabeidongna hai hi Setana inomtir a nia; kha thila khan nun danglamna om thei ngai mah. Kha Setana sinthona râ suak a khan ngaituana saloihai, a ni inneitir ngai a nih (Deut. 1:28). Kha ngûina inboipai hrangin Pathian inpâk le chubai mûk phut roh. Sam irziaktu Davida (Sam. 40:1-3)-ah hril ang khan Pathian Thu inpuang roh.

3. Lungrîl ngaituana soal le inpâkna soal:- Ni hringnuna ngaituana soal le insâp soal ni neiin chu ni milung kha nitin enfia hrangin zoro hman ngai roh.

4. Tehel hmannga:- Ni lampui kha ni sût indik mâka chu Kristaa hringna thar nei thei viat no chi nih. Ni hringnun enkôl zit hrangin Krista kha zong roh.

5. Hnôlna le demna:- Setan chu ni hnôltu a ni (Thup. 12:10). Inzôkna lungrîl porinchena le buaina inomtirtu chu Setan a ni. Setanin demna le hnolna an tungtirin chu Rom. 8:1-na kha hman ngai roh.

6. Chitna:- Chonginkung Ram lût hrangin Israelhai kha khâltu an nei ngai angin nang khom Krista le hringna thara kop hrangin chitnan nang a khal thei mai a ni. Nangma puma chitnan nang a bômin chu I Joh. 4:18 le 2 Tim. 1:7 en roh.

Insîrsôpna:-

1. Kha a chungang nang khal mai ngaituhai kiruk a om ti hi ni pom mo?

05th September, 2015 (Irtûngni / Saturday)

Thupui :- Irtha tianga irdoina raltukfamhai.

(Sam. 139:23,24; Efe.4:23, 24; 6:16,17))

Chairman : _____

Thuhritu : _____

Kristaa hringna thar nei hranga nang a khâltu liantak chu ni lungril a ni. Kristaa nun thar ni nei thei maina hrangin Setan thiltum inhne bak a nang. Kha Setan sinthotheina inhnê pai theina hranga Pathianin inhnêna a ni ipêk chu hihai hi a ni.

1. Irtha Irthiangin ni lungrîl zongsuak ri se (Sam. 139:23,24)

2. Irtha raltukfam hman ro (Efe. 6:16, 17).

3. Ni milung det ri se:-Milungdûknahai inboi hrangin lungril dik tak le irtharngam takin om ngai roh (Joh. 14:27; Fil. 4:7:2:5).

4. Lungril ngaituana porinchêna le ngaituana dikloi sala intâng kha set

pai roh (II Kor. 10:5)

5. Ni lungril le lunginchongna kha inthar roh (Efe. 4:23)

6. Pathiana khan ni lungril kha irhngat roh.

Irtharngam taka ni hringnun thar ni hman theina hrangin ni lungril tak kha ni intaknahai makin Pathiana khan irhngat roh (Isaia. 26:3).

10th September, 2015 (Nilâichum/Thursday)

Thupui : Ni hringnun inthar hrangin nang a nghâk mai

(Lk. 10:19; Joh. 1:12, 13; Fil. 1:6).

Chairman : _____

Thuhriltu : _____

Krista leh irzomna khan ni hringnun a thar hnunga chu ni nun-
chan *style* kha a idanglam nget hrang a ni. Sualin nang bôm thei
ta no nih. Kristaa mani hringnun siamtharnôk hrang lam chu: -

1. Omdân dik loi le inruinahai om thei ta ngai
mah. Ni nun kha inçhâng thei viat ta ngâi ma. Ni mimal tumna
zoro ata nirtha mizia khan indanglamtir thei no nih.

2. Sinthotu Pathian vaihin kêng ni mi nitna
kha a indanglamtir thei a ni.

3. Ral sintho theinahai
chungâ hin Pathian sintho theina nang a pêk. Ni indanglamna om
theina hrangin Pathianin sinthotheina nang a pêk sa a ni. Jakoba hi
inchainahai/thonsualnahai tam tak lei nei khomsianlan, Pathianin
a hringnun a hin sin a lei tho mai ngai a ni. Nang khom ni lei
thonsualnahai lei om khomsianlan Pathianin ni hringnuna sin a tho
mai ngai a ni.

Pathianin eini nuna sin a iphut tak angin itinreng chungâ ama
iamzoi inlân Pathianin inhnê zit a ti. Khasikin, atun hin ni hringnun
inthar hrangin a ihngak mai a ni. Jakoba angin irsual irbuan kha
mongin lan, ni Pathian kopindetna kha zong roh.

Insîrsôpna:-

Nangma irtha siamintharnôkna lampui man hrangin ni fena

07th September, 2015 (Sinphutni / Monday)

Thupui : Siamtharnôkna lampui

(Jer. 6:16; Joh. 14:6; Mat. 18:8)

Chairman : _____

Thuhriltu : _____

A kêr changa chu a thar khom hi kêr nôk a nang. A kar changa
chu tharnôkna hi hriatmaina le thilsahai leh irzomna a nang ngai.
Eini takpum ônhaiin zoro sôt a lei hnôla, a lei irnghilpai ngai a
ni.

1. ‘Mihriam siamtharnôkna’ ti hi ‘Itin mo ki ihar hrang? ti
vaih hi ni maka; ‘Itin mo ki kêrnôk hrang? ti hi a ni. Ei hringnun
tho tum chu malam pan ringot hi ni maka, ei lungthung le indithai
irhmangtir loa malam pan mai hi a ni. A zoro le a hmuna kêr nôkna
hin nangmaa tharnôkna a hong om thei a ni.

2. Mihriam dinghmun le ngaituana nun hi thûl tumna nei
hrangin Pathianin a phut ata a inkung a ni. Pathian chu Irthiang,
a dik le danglam ngai loi a nih. Tunlai dinghmuna hriatna le vâ
hong irsôn zêl le mihriam dinghmun siat lai a hin tunlâi Kristianhai
nunchan hi siam insat tum ngêt hrang a ni.

Masôn ringot nêkin siamintharna hi a nang ual ngai a ni. Ram-
mual sualnân nang an them laiin, Kristianhai chu an hringnun thirna
kha ngaitua le irdon infel roh, rammual sual porinche irhlopna ata
irkêm roh. Nirtha hringnun kalchôina kha intûk indet roh.

Insîrsôpna:-

Pathian le A chong chu irthûl viat ngai mah ti ei iam zit a ni.
Tianlaia khan Pathianin Ama mihai a hruai dân angin atuna ram-

08th September, 2015 (Sinnôkni / Tuesday)

Thupui : Kristian nuna siamtharnôkna rahai
(II Kor. 4:16; Neh. 8:18; Sam. 86:3)

Chairman : _____

Thuhritu : _____

Kristian nuna siamtharnôkna râhai chu hi a hnuaihai hi a ni:-

1. Mihriam sângriila nitna siaminthara om mai (II Kor. 4:16).
2. Nitina Pathian Thu tep (Mat. 8:18).
3. Ni tina Pathian kuanga chongchai (Sam. 86:3)
4. Nitina Rengpa inpâk mai (Sam. 72:15).
5. Nitina inthor irhlôm (Heb. 3:13).
6. Ni tina a Kros irputa zui (Lk. 9:23).

Insîrsôpna:-

Nin Koiindang sînga hin hi a chung a ni tina hringna thar

09th September, 2015 (Nilaini / Wednesday)

Thupui :-Wales rama harna (revival) ata irchûna
(Sam. 24:3 4; II Kor. 7:14).

Chairman : _____

Thuhritu : _____

Irtha irhniamna /siatna mâksan le lôipaina lampui om sun chu masônna hi a ni. Sam. 24:3, 4 ata lâkin harna (revival)-in chi thum a itônna chu ei irchu hrang a ni.

1. Hing

Kuthai hin ei sinthohai a entîrna a ni.

2. Milung (heart) :- A irthiang ngêt hrang a ni.
Milungin ei ngaituanahai a entîrna a ni.

3. Milei (tongue):- A irlam le fel hrang a ni. Chongna le hrilna hranga entirna a ni. Hi thil chi thumhai - sinthona, ngaituana, le chongna/ hrilna hin ei nunchan dikna a inlangtir ngai a ni.

Hi a chung a thil chi thum nangnahai hi Wals-es ram harna (revival) chum sînga inlang le hmu thei a ni. Kha harna ata ra hong suak chu * T u i n a neituhaiin porinchena an hnôla.

* Harna changtuhai palin hmun tina thuhiril an fe tak a ni.

* Lakâi neituhaiin an intanghai an pêk khir nôk.

* Mani sualnahai inpuang suakna a om.

* Rammual inhoina lam le fiam thona an mâksan zit tak a ni.

* Hmun irhongna-ah Gospel sinthonahai chu hmun tina a hong om tak a ni. * An lungriil chu hlain a sip tak a ni. Pathian inpâkna hla sak hi an hong uar lian tak a ni.

Khannisian, Koiindang le mimal hi Krista leh irpôl tharna hin om ngai mahai; khasikin, Irtha irzalna / siatna hin an hringnun hi zam zamin a lâkpai ngai a nih.

Insîrsôpna:-

1. Harna (revival) dong hrangin ni phing a châm ngai mo ? Ni tui an hra ngai moh ?

14th September, 2015 (Sinphutni / Monday)

Thupui :- Insûngkuaa sakhua mi nina dinghmun

(Efe. 4:27; Thuv. 22:24-25)

Chairman : _____

Thuhriltu : _____

Ni insûngkua hin Pathian Thu hi a poimo le a bul tak hmangin lan; khanchu, sakhua mi tak dinghmunna ngir hong ni thei ni ti.

1. Ei insûngkuaa hin Setan hrangin room inhong no roh:-
Ei ina hin film sual, movie sual, dûr saloihai, music, video games sanohai inlût no roh. Khahai kha ei ina ei lûtpuiin chu ral ta hrang lampui ei ipêk a ni (Efe. 4:27). Ei insûngkua hi Setan ta hrangin room inhong no roh. Sakhua mi nina tak dinghmun nei chit hrangin ei nun siamthar ei ti.

2. Ningmur ol le nunsia tho no roh:- Ni naihahi kha ningmur ol mi le mi nunsia chu irpôlpui loi hrangin irchu roh (Thuv. 22:24,25). Ni naihahi kha rual sanohai leh nir pôltirin chu thu ôiloi, misual hong chang an ti. Ningmur ôl mi naipang le an irpôlin chu ningmur lungril hong irpût inrangin om a ti. Naipang chu a rual irpôlpui dinghmun ang takin hong irsôn lian ata; siatna lam a nino le inthêmna ichiomin a lungril kaihruai a ti.

Insîrsôpna:-

1. Ei naihahi hi kaihruaitu boiin ei mâksan rak ngai mo ?
2. Khi a chungah thotum inlanghai khi atûna ei zoroa hin hmang intak hrangin ni iam mo?

B. Kristian Insûngkua (Christian Family)-(11-20 Sept.)

Matôn ata Kristian insûngkua irphutna bul le omzia chungchang hi Beirual Programme-ah hin ei lei irchu mai ngai a ni. Khasikin, matona ei lei irchu sai takhaia khan fe nôk ta loiin, athar irchû nôk ei ti.

11th September, 2015 (Irtûngni /Friday)

Thupui :- Ni insûngkua ta hrangin sûnmaton siamtharna ngaitua roh. (Josh. 2:10-13)

Chairman : _____

Thuhriltu : _____

Atûn hin koiindar insûngkuahai dinghmun zoroa om mai ei ni. Insûngkua hin ruithei thil, fâk sa loa rakhi ichelhai, naipang irthatna, tukullian le irdoina, ram hnuai râltukfam chelin ruatharhai irrolna hai, sûngkua khata nu le pa ringota omna, zu le hloi (*drug*) irhnikna hai a tam. Kha thilhaia khan insûngkua koidarna le siatna irphutna bul a ni.

1. Ni insûngkua ta hrangin ni sûnmaton intharna hrang ni ngaitua thei:-Notizuar Rahabi nunchan thu kha inhriatmai roh. Rahabi hi a sûn hnung tianga nunchan chu nupang sualin a oma; atûna a dinghmun le a mizia dinghmuna chu sûn hma tianga satna zel om pe maka, siamtharna phut hrangin lampui om ta mah. Khannisian, Rahabin Pathian Thu a hong inhriat tena chu Israelhai Pathianin ami inthanghai ta hrangin hnêna a pêka an râlhai an hong inhnê thei tak a ni. Khanchu Rahabi'n hâi takin hiang hin an puang tak a ni ".....*Nin Pathian, Rengpa hi vân chung le hnuai roirêltu a ni*" (Josh. 2:11) a ti. Hi taka inpuang suakna hin Rengpa hi Reng nitna a inpuang suak a ni. Ama chu itinrenga a lian tak a ni. Ama chu ki lei sualna le ki inzakna nêka lian ual a ni.

2. Irnêng irvân le ni insûngkua lian tak chu Pathian sôpna:-

Ni Koiindang sûnga koiindar insûngkua hi itin mo ni inhring

12th-September, 2015 (Irtungni / Saturday)

Thupui : Kristian insungkua chu Thisena irsinsia a ni.

(Josh. 2:18-21; Exod. 12:13)

Chairman : _____

Thuhriltu : _____

Hi thisen thu hi Rahabi nupang ata irsinsiana ata lâk a nia; Israelhai kha thisen zâra saninzôk an nia; iamna zâra ram inkung kha an tung phâk a ni. Bible-in “*Thisen chu nin ta hrangin nin omna ina irsinsiana ni a ti* (Exod. 12:13) tiin a hril.

1. Israelhai kha thisena saninzôk an ni:- Israelhai kha thisena saninzôk an ni. Rahabi khirki ata patsen kai kha thisena an iamna-ah inpuangna a nia; a insungkua khom a inzôk a ni. Kha ang khan Jisua Krista thisen hmangin saninzôk thei a ni.

2. Mita hmu thei inlangloiin ni lungthunghai ta hrangin kum iza mo chongchaina ni nei ta? Nu le pa irhmanghai ompui sangram irhmanghai, nai pasal le nai nupang irhmanghai ta hrangin ni chongchai ngai ta mo ? Mâksan ngai no roh! Anni sansuak le saninhring theina hrangin zoro tina chongchai maiin lan an irtha saninhringna hrangin Jisua Krista thisen kha an nia kop thei a ti. Khasikin, ni insungkua ta hrangin chongchai mai roh.

Insîrsôpna:-

1. Ei insungkua membershai saninzôkna hrangin itin mo chongchaina ei nei ngai ? Mongloiin ni chongchai ta ngai mo ?

13th-September, 2015 (Pathianni / Sunday)

Thupui : Ni insungkua hi Pathian Thu taka inding roh

(Josh. 1:8-9; Mat. 7:24-27; Sam. 127:1; Deut. 6:6-7)

Chairman : _____

Thuhriltu: _____ **Tho-**

lom (Offering) :- Presbyterian Theological Institute (PTI) Fund

Ni insungkua hin Pathian le A thu hi a bul taka hmang roh. Ni naihai hi ni in rengata an suak manin Bible irchâng tep masa phot ri se hai.

1. Sungkua inkhômna (Family devotion) inding ngêt roh:- Pathian Thu taka sungkua inding vaih hin kêng phaivuapui, dengintheinaihai an hne ngaia; hlochukna a om ngai (Joh. 1:8,9). Sungkua pa ni nin chu ni insungkuaa Pathian Thu inding indet ngêt hrangin mophurna ni nei.

Ni insûnga thu ôiloihai, thoibob ruatharte le dongmate (*teenagers*)-hai kha Pathian Thu det ata irkêm / rot no ri se hai. An lungrîl le an irtha chu Pathian Thu hin tôn ni ri se.

2. Pathian chonginkung chu nun danglamna ala hong om ngai a ni (Isai. 55:11):- Atôpna taka chu thil tinreng a hong tunga khom ni insungkua chu Pathian Thua om mai ri se.

Insîrsôpna:

Ei insûngkuahaia hin Pathian Thu hi a bul le a poimo taka ei la hmang theinona san hi, imo intaknahai a i-om?

18th September, 2015 (Irtungni / Friday)

Thupui : Kristian insungkuua Rengpa chitna thu irchuna.

(Thuv. 14:26-27; Sam. 22:23)

Chairman : _____

Thuhriltu : _____

Rengpa chi le Pathian chi hi taksa lam tianga chitna ni mah. Ni ngirna taka ni ichi le chitna sika chang ngam ta loi ang ni mah. Pathian irhngat zoia, Ama inzâna hi a ni.

1. Rengpa chi omzia chu sakhua mi tak nina le nunchan satna tina a ni:- Pathian lampui tianga ei sakhua sinthona a irkôkna a ni. Deut. 4:10-ah thu khah ei tepin chu mihai ta ei ilâk ni loiin, a poimona tak Rengpa makunga ngîr kha a hrilna a ni.

Rengpa chitna thu hi mihriam irlô tinin an irchu zêl theina hrangin mipuihai irchutir ngêt a nang. Mani insungkuua naitehai khom irchutir hi ei rengin ei innang chit a ni.

2. Mi murdi inzâ le urenghai lungthung hi Rengpa chitna hin a ilût sa a ni (I Pet. 2:17):- Mihriam murdi hi Pathian anga nina siam eini sika hin mitin iamtu le iamnotu mani, mi sa le saloi khom inza zit hranga thupêk ei ni. Petera ihril chu- Iamtu hai chu lung ei irthung irhlôm hrang a ni-kha kha Koiindang a ni. Koiindang member-haiin Rengpa chitna ei irchû'n chu Koiindang sunga inthuralna a hong om zel hrang a ni. Kristianhai laia senkhat chu Koiindang hi lung kin thung an tia; khannisian, Koiindang member-hai chungu chu tômte an lungthungna an inlangtir ngai a ni. Kha mihai khan Koiindang irthiangtir an zonga; khannisian, a taka an sintho chu an rual le u le sanghai chungu sinsualna an nei ngai. Koiindang lungthung ti omzia chu Koiindang sunga mihai lungthung chit hrang tina a ni. Jisua irchutirhaiin enton rua hranga an ni mâkpe a ni. Anni chu Rengpa chi pumin mihai inthorna pêkin mihriam an hong ipung zêl a ni. Kornelia hi entonrua inkhat a ni. "*Kornelia chu Pathian ngaisak mi a nia, a insung mihai leh an rengin Pathian chi mi an ni*" (Tir. 10:2). Kristianhai, Rengpa chi mihai chu zoro tina Koiindang ta hrang le khotang ta hrangin satvurna an ni ngai a ni.

Insîrsôpna:-

Ei insungkuua hin itho mo Rengpa chitna hi a nang ngêt tiin irchutirna _____ ei ipêk ngai ?

15th September, 2015 (Sinnôkni / Tuesday)

Thupui : Râl doina hrang irhrungna

(I Pet. 5:8-9)

Chairman : _____

Thuhriltu : _____

Ni insungkuua kha Setanin doi hrangin lampui a zong mai ti inhre roh. Khotang le Koiindang inding indet sunga hin Kristian insungkuua hi setanin target lian (*major target*) -a nei tak a ni.

1. Ni râl doi theina hrangin ni insungkuua en ro.

2. Ni ral ni khâl theina hrang le ni doi inhnê theina hrangin irtha raltukfamhai (Efe. 6:11-17) kha hmangin, irtung chianin har mai ro. 3. Ni insungkuua hrung mai roh:

Ni insungkuua insiat hrang le ichiom thil saloi hong hrô hranghai hi khâl theina hrangin ni insungkuua kha hrung mai ngai roh.

Insîrsôpna:-

Setan thil tumhai doi theina hrangin irkip taka irsiam diamin

16th September, 2015 (Nilaini / Wednesday)

Thupui : **Insûngkua inpumkhatna hranga enkôlna**

(Rom. 15:5; Sam. 133:1-3)

Chairman : _____

Thuhriltu : _____

Babel in irsâng sina khan mipui chu hmunkhatin an oma, Pathian chu mihriam naihaiin khopui le in irsang an isin en hrangin a zuang tak a ni. “*Irngâi roi hi mihai hi pumkhat an nia; hi sin hi iphut a ni; atûn chu hi thil an itho hi khap thei zât khom ni ta no ni*”. a tia; (Gen. 11:5-6)

1. Ni insûng mihai hi nuam nohai siankhom ni kôla koi-bukhai roh:- Aphuta inthuralna om no khomsian lei pom phot roh. Pathian ngaidamna zong roh. Inpumkhat nona lungrîl hi insûngkuaa irhong ri se. Insûngkua khata thil chin mo lian mo, thil ei hong insua tinrêng hi ei inhampuina hi insûngkua inpumkhatna ni ngai mah. Paula thupêk angin “*Nin lâia irsenna om loiin thu khatin om unglân, lungrîl hmun khat le ngaidân hmun khat le tumna hmunkhata fel taka irzom*” hranga hril ei ni (I Kor. 1:10). Inpumkhatna hin thotheina a nei (Efe. 4:3)

2. Ni insûngkua inpumkhatna a om nôn chu Pathian satvur theina hmuna khan ni la iom loi a ni:- Mitinin ei chongchai ngai chu- “*O Rengpa sat ni vur roh*” ei ti ngai. Pathian satvurnahai ei zonga; khannisian, satvurna ei hlosam ngai hi inhre thei ngai mak meh. Insûngkua inthuralna a om nôn chu Pathian satvurna chum thei ngai mah. Sam. 133:1-ah “*Urenghai irngei dil dila om khôm*” ti hi Koiindang khata u le sang kêra vaih ni maka; nu le pa, nai le tehai kong kêra, pi le pu, mâk le moi tinrêng a huap zit a ni. Inpumkhata inthural takin nin omin chu ni insûngkua hranga Pathian satvurna zong ual nang ual ta maka; Pathianin pêk hrangin a lei inkungsai diam tak a ni. .

Insîrsôpna:-

Ni insûngkua inpumkhatna nei intam ual hrangin tumna ni nei mo ?

17th September, 2015 (Nilaichum / Thursday)

Thupui : **Insûngkuaa naipang irchutirna**

(Deut. 6:6-7; Efe. 6:4; I Sam. 3:1-18.)

Chairman : _____

Thuhriltu : _____

Nu le pahai (*parents*) hin an naihai hi Pathian lampuia kaihruai le donsui hrangin Pathianin a ni nuam.

1. A thutum tak chu naipanghaiin Pathian inhriatna hai, iamna hai, lungthungna hai, inzâna le sinthona hai a ni. Nu le pahai chu naipanghai milunga hin belrapu nina inlang ngêt ri se.

2. Sepna vaih hmang loiin, pentiang inlang thei nunchan vaih insa tum loiin, naipang lungril lam en ual hrang a ni. Mi tukhom a sualin chu lungril tiang ata hong suak a ni (Thuv. 4:23; Mk. 7:21-23). Ni nu le pa nang koina hi Abraham iamtuha pa (Gen. 18:19) tia Pathian ipêk leh hin a ir-ang a ni.

3. Nin naihai hi omzia boiin an ninginmurtir no roh (Efe. 6:4; Kol. 3:21). Lungthungna hin iamom taka sepna an innang (Thuv. 13:24; 22:15; 23:13-14; 29:17; Heb. 12:6). Eli chu pa sual a nina sikin Rengpan a hnôl (I Sam. 3:1-18). Naipang chu satakin ei irchu'n chu dikna lampui mâksan ngai mah (Thuv. 22:6).

Insîrsôpna:-

Efe. 6:1-3-na hi ei naihai ta hrangin ei tep intam ngai. Hi a hnuai irchâng irzompui (Efe. 6:4) hi dik takin ei

22nd September, 2015 (Sinnôkni / Tuesday)

Thupui: Mission thupui / thutum (Policy)
(Mt. 28:19; Mk. 16:15)

Chairman : _____

Thuhriltu : _____

Ei Rengpa Jisua irchûtirna chu Mission field hih rammual hi a ni. Ei mophurna thupêk chu hi rammual pumpuia fea nam tin laia le thilsiam murdihai laia Pathian Thu hril chu a ni.

Tirkohai sinthona bua ziaik chu Kristianhai denginthei taka inthekindarhai chu Pathianin a hmanga ;Thurchi Sa (*Gospel*) hi satvurna hmangin a irzat mai tak a ni.

Presbyterian Koiindang Mission thudet inlangtir ei ti.
(*Presbyterian Church of India “(PCI) Mission statement*)

1. Sintho hranga irpêk zoina le midanghai kuanga Jisua Krista thurchi inhriattir hrang a ni.
2. Pathian inpâk hranga irbukkhôm le Pathian Thu irngai hranga a ni koina lam ang taka don hrang.
3. Krista thuzômna le iamna tianga irchu-irhlôm le irfâ irhlômna.
4. Pathian mihai ei nina angin lungthung irhlôm le irenkôl irhlôm hrang a ni. Thilsiam murdi khom lungthung taka enkol.
5. Mihring murdi laia hin Pathian dikna le irngeina suizom-maina.
6. Mihriam, thil hringhai le thing lung tinreng chung a dikna sintho.

Insîrsôpna:-

Hi a chung a ei inlang tak laia hin eini teh Mission sinthona hin ei irpêk zoi ta moh ?

19th September, 2015 (Irtûngni / Saturday)

Thupui : Pathian chitu pahai
(*Gen. 18:19; Job. 1:5; Efe. 5:23*).

Chairman : _____

Thuhriltu : _____

Insûngkua ahin Pathianin pa hi a lu tak (*head*) hrangin a isia a ni. Abraham a hin a insûngkua pumpui hi iamom taka om hrangin a hril. Insûngkuaa hin dongma le naitehai le siahlohahi (*servant*)-hai hi a ilûtsa zit a ni. Kha khah Pathian thupêk a ni. Insûngkua hin Pathian thiltum an siat thei ngai a ni. Insungkuaa dongma hi siahlo angin pasal ke hnuuaia in omtir hrang ni mah. Nupang chu pasal changpuitu, a kuanga ommaitu hrang a nia; irang taka irhloppuitu a ni.

1. Pasal chu a dongma ta hrangin iamom hrang a ni:-
Atunlai ei lengna ding hmun chu dân inkhir loa le duk dak loa rammuala leng ei nia; ompui sangram irsen / irtei a ola, nupang le pasal ompui sangram kongkara iamom loina a om intam tak a ni. Khannisian, Pathian zia chu danglamna nei ngai mah.

Pathianin chu ompui sangram kongkara hin dikna hai, lungthungna hai, iamomna hai, le felna hai hih a izong mai a ni.

2. Kristian insûngkua pa chu a hringnuna hin zoro tina Krista hi a masa taka lungthung hrang a ni (Lk. 14:26).

3. Pa chu sungkua ochai a nia; nitina sungkua inkhoma sungkua maicham inding hranga mophurna neitu a ni. Joba khomin a insûngkua pumpui ta hrangin irbolna a'nhlan ngai a ni (Job. 1:5)

Insîrsôpna:-

Hebrai 13:4-a Pathian inlômtirna thu insîrsôp ni ri se- "Inneina hi mi murdi'n an inhlut hrang a ni."

20th September, 2015 (Pathianni / Sunday)

Thupui: Pathian chitu nuhai
(Lk. 14:26; Efe. 5:22)

Chairman : _____

Thuhriltu : _____

Tholôm (Offering):-Synod Workers' Medical Relief Fund

Mi lian tam tak laia hin sakhua mi nupang lungthungna nei chu inkhat le inhni kêng an om ngai.

1. Nupang / dongma (*wife*) sintum masa tak chu Jisua Krista lungthungtu le a sinhotu a ni:-

2. Nupang / dongma sintum inhnina chu a pasal thuzom a ni. Entonrua hrang chu Sari (Abrahama dongma) a ni (I Pet. 3:6). Hi thu hih atun laia nupang/dongma (*wife*) ta hrangin chu irchu intak tak a nia; khannisian, raifanna nei thei viat no nih. Pathian thilpêk anga irpêkzoi mi nupang chu Pathian inlômirtu nupang ni thei a ti. Pasal hi saninzokin a om nôn chu a dongma kha Irtha lampui tianga a insûngkua hin a lu tak hong chang a ta; khannisian, a pasal thuneina hnuaiia la om a ni. Pathian vârna le lungkhamna nang pe a ti.

3. Kristian nuhai chu sintho satnahai leh a irvô hrang a nia; hi a hnuaiia satnahai hi a ilût sa a ni. a) Nupang chu satak le irhoi takin irvô ri se. Relinlêkin om no ri se (I Tim. 2:9).

b) Lungril ata mizia dik thuhnuairôl le nunhoi hi Pathian mit hmu'n a hlu tak tak a ni (I Pet. 3,4).

Kha nupang sa le dikhai khah pasal ta hranga satvurna roiinpui tak hong chang an ti (Thuv. 31:10-28).

Insîrsôpna:

Tita 2:4-ah thupêk lam angin ei Koiindang sûnga nupang ulianhai hin naipang ualhai hi an pasalhai le an naihai lungthung hrangin irchutirna an pek mai ngai moh ?

C. Kristian Mission (21 - 30 Sept., 2015)

21st September, 2015 (Sinphutni / Monday)

Thupui: Krsitain Mission thiltum

_____ (Mk. 16:15)

Chairman : _____

Thuhriltu : _____

Kristian Mission thiltum tak chu Jisua Krista hi sual ata saninzôktu a ni ti thu mitin kuanga inhriattir hi a ni.

1. Mission thiltum danglamna chu irtha lam tiang thiltum a ni:-

Eini Kristian sinthona hi sum-puan inpar lam ni mah, political le mihriamhai inhoina hranga sintho ni mah. Ei irzirna bul tak kha ei intûk indet hrang a ni.

2. Mission sintho chu danglam bîk, thil dang leh ir-angna nei loi a ni:-

Mission ihril chu mitin, chitin, nam tin, mingoi le mivomhai hi sualna sikin irhmang zit an nia; saninzôk ngêt an innang a ni. An sualhai infâi le irthiangtir hrang chu Jisua Krista Thisen vaih a ni.

3. Mission'n thiltum bik a nei:-

Ei irtha chungu roirêl le ei sintho dân ei ngaitua dân enkolna a ni.

26th September, 2015 (Irtûngni / Saturday)

Thupui:- Saninzôktu nuam lama om

(II Kor. 5:9; Heb. 12:1-3)

Chairman : _____

Thuhriltu : _____

II Kor. 5:9-ah khan Tirtôn Paulan hiang hin a hrila; “*Khasikin omin lan om no inlan, ama nuamlam mi ni ei itum ngit ngai hrang a ni*” a ti. Iamtu murdihaiin an lungril inchongnahai hin an hruaitu Jisua Krista (*master*) nuamlam a ni hrang a ni. Khasikin, ei mani ringotin hring suak thei mak meha; ei mahruaitu Jisua Krista nuam lamin ei om hrang a ni. T h u r c h i inkhat Seranda (*Violin*) âttu hi a oma, a seranda kha inring takin a âta; khannisian, ite a omzia inlangtir mah. Ama chu a omna chung in irsang (*balcony*)-ah khan a oma; khanchu, a irchutirtu (*teacher*) khomin hla taka a toia a thir maia.

Khan, a mongna tianga voithum a ât zoiin chu irchutirtu khan a kut a hong inbena, seranda attu ngei khom kha raifan takin a om tak a ni. Khasikin, nang le kei khomin ei hruaitu (*Krista*) raifanna pomna kha ei nghak zâm hrang a ni.

Tho ei thei lam ang takin le iamom takin Jisua sintho ei t, mihriam nuamlama sin niloiin, mophurna le roiinpuina zuang tung hrang thir pumin Ama sin tho ta ei ti.

Insîrsôpna:

Hebrai 12:1-3-ah hin imo irchuna a ni pêk ?

23rd September, 2015 (Nilâini / Wednesday)

Thupui : Mission mophurna

(Gen. 22:1; Joh. 21:15 Rom. 11:29; Tir. 9:15).

Chairman : _____

Thuhriltu : _____

Krista takpum irzom murdihaiin Mission sinthona hin mophurna ei nei sêng a ni.

1. Ninzôkpu'n ei mimal chita rammual pumpua fe hrangin a ni tir a ni.

2. Pathianin a sintho hranga a ikoihai chu an irhming ang ngê-tin a koihai ngai (Gen. 22:1; Joh. 21:15).

Khasikin, nang le kei khom irtha sansuaktu ni hrangin Pathianin ei irhming ang takin a ni koi a ni. Pathianin hianga thupui poimo tak a hin a lungril ngaituana le thil tum tak chu irthûltir ngai mah.

3. Pathianin ni sinthona hmun chu thûl khom sian ni sintho tak chu thûl no ni. Kha ang denin *visa (ticket)* chu thûl thei a nia; khannisianlan, *passport* chu thûl thei ni ngai mah. Paula hi Juda nam a nia; Judahai hi lung a thunghaia; sin khom Judahai laia sin hranga koi a ni. (Tir. 9:15). Hi hai hih thi le hring kara irsiam mai hranga koi a ni. Khannisian, Judahai khan a thunsîr kha an lei hnôl sikin Pathianin Tirko Paula chu hla taka a tira, Jentailhai kuang mission sintho hrangin a tir suak tak a ni (Tir. 22:21).

Insîrsôpna:

Missionary mophurna sintum hi tu chung a mo irngat a ini ?

24th *September, 2015 (Nilâichum / Thursday)*

Thupui :- Mission thiltumhai dik le dikloi enirkhi-
na.

(Mat.28:19; Efe. 2:10; Sam. 126:6).

Chairman : _____

Thuhriltu : _____

1. Dik loina thiltum hai:

1. Mihriamin ureng dik tak ringot irchûna pêk vaih a uar.
2. Nam varna lampui tianga iamnotuhai kaithoi suakna a tum. Irchutirna le nam vârna ringotin taituan hremhmun ata mi inkhat irtha lua khom hi sansuak thei ni no nih.
3. Inhoina, intakna le a dang danghai ngaituana det theina tak tak neiloiin, irmingloiin mi inkhat chung a an sinthona chu irhmangin a iom hrang a ni.

2. Dikna thiltumhai:

1. Krista thupêkhai (*commands*) zômna.
2. Ei hringnun pumpui Pathian nuamlam pomna.

Iamtuhai hi thilsa thona lampui tiang fe le inphût hrangin Pathianin a ni namindet tak a ni (Efe. 2:10; Rom. 12:1-2).

3. Mihriam Irthaa tuangdiarna (Sam. 126:6).
4. Thurchi Sa hril nuamna, irzukna. Midanghai an soal ata irlata Pathian tiang kîr nôk hranga hrilna (Sintho. 3:26).
5. Pathian roirêlna pumpui irchutira Kristian dik tak irnghatir (Heb. 5:12)
6. A ram dinghmun anga Koiindang siamindingtira hin mani-ah hrâtna a om thei a ni.

Insîrsôpna:

Midanghai irtha bringna hrangin ei Koiindang tuangdiarna dik tak mo ei nei ta ?

25th *September, 2015 (Irtanni / Friday)*

Thupui : Vanrama In roiinpui tak a rong
(II Kor. 5:1-4; Joh. 14:2; Lk. 14:23)

Chairman : _____

Thuhriltu : _____

Korinth mihai kuanga Tirtôn Paula lekhathon II Kor. 5:1-ah khan vanrama Pathian In chungchang thu a hril. Jisua'n vanrama omna in chungchang a hrilna chu (Joh. 14:2)-ah khan ei hmu sa a ni.

1. Lk. 14:23-ah khan "*Fe'n lan, lamlian haia, lam kêmhâia, mihai ki in sipna hrangin mi hong hruai inlûthai roh,*" tiin ziaak a ni. Hi thu hih Jisuan irvanrama hruaituhai roiinpui taka om hrang thutak a irchutirna a ni

2. A zuang nôkna voi hnina (*the secong coming*) tena chu kha In roiinpuitak lei nghaktuhai itha chu a sûnga lûtin sanizôk ni an ta, vanram irchon chu dong an ti.

Kristian iamtu takhai kha khi irvanrama ei irchon om kha tûngin ei irzul ngit hrang a ni.

Insîrsôpna:

Irvanram In roiinpui taka khin ei mani ta hrang ringot sapirsiaa

Thupui :- Missionary irpêktuhai tho hrang dân.

(I Kor. 9:16, 17; Mat. 8:34; Fil. 1:21)

Chairman : _____

Thuhriltu : _____

1. Missionary hrang chu suak inthar mi nget a nang.
2. Mani intakna uksak loia, a nitin a Kros irputa zui nuamna
(Lk. 9:23)
3. Thurchi Sa hril hrangin chu hâina, ngamna
hi nei a nang.
4. Hriselna hi inriang le thina irchel
tak laia khom a bul tak a ni.
5. Itinrenga khom Pathian hi
a bul taka sia bak ngêt hranga ni.
6. T h u h n u -
airôlna, irdintheina, irchutirtheina hai hi nitina
A Master kuanga irchû nuamna le tho dân irchu nuamna
a nei nget hrang a ni.
7. Irchutirna a poimona tak chu tuangdiarna nei le lungril
ngaituana irzattir mai hrang a ni.
8. Missionary sinthona chu intakna tinreng ibôm kara a
nia, a tak
rama sinthona / hriatna hi pomrua lian tak a ni.

Insîrsôpna:

Thupui: Midanghai ta hranga dikna sin

(II Kor. 5:15; Sam. 126:5:6)

Chairman : _____

Thuhriltu : _____

Tholôm (Offering) : Synod Mission Fund.

1. Ei hringnuna sinthona hi mani ta hrang vaih sapirsia ni loiin midanghai ta hrang sintho hi a ni. Tunlai Kristian tam takhai hin chu an nikhua, an sîn le zoro hmanghai reng reng hi midanghai changpuina tiang hmang loiin, anmani ta hrang ringotin an hmang ngai a ni. Pathian Thu bu'n, "...A hringhai khan an ni ta hrangin hring ta loia, an ta hrang sika thia thoinôktu ta hrang vaih an iam theina hrang takin a ni, mi murdi ta hrangin a ithi kha..." (II Kor. 5:15).

2. Mani ta hrang vaia sintho hrang ni mah. Jisua Krista le ei urenghai ta hranga sintho hrang piala inzôk ei ni. Raifâna nun chu inhoina nun a ni. Hringnun raifanna hi nuamna inhoina a ni. Nunsia / tiksia lungril hi chu beidongna a nia, zoro tina hnarsana a nei ngaia, midang changpui nuam loiin, mani tianga hmu hrang le inpâkna ringot a dong nuam ngai a ni. Midanghai chungu sinthona hin hringnun inhoina le hlochukna tak a hong om ngai a ni.

Insîrsôpna:

Mission sin ni thona hin lômna tak mo ni dong ta?

28th September, 2015 (Sinphutni / Monday)

Thupui:-Irngeina siam hranga Palaihai (*Ambassadors*) ei ni.

(II Kor. 5:18-21).

Chairman : _____

Thuhriltu : _____

Tholôm (Offering):-LiteratureFund. (Hrangkhol chonga Bible (NT) released ni (28th September, 1997) hriatmaina le changpuina.

Irngeina siam hi mi inhni râl irchangna sika rual irchangtir nõkna hi tekhinna hin a lak a ni.

1. Mi inhnihai chu Pathian le misual (*God and the sinner*) an ni.

Khasikin, eini iamtuhaiin rual irchangtir nõkna hranga irngeina Thurchi Sa, Kalvaria hnêa om tak kha Pathian ata lei irhmanghai hong hruai suakhai hrangin mophurna lian tak pêk a ni.

2. Vanram sorkar aiotu (*official representative*) poimo takhai ei ni: -

Pathian hnung songsantuhai le Pathian belra hualsung pentianga omtuhai, mi sualhai hruaisuatu hranga irvanram sorkar dâna aiotu (*official representative*) poimo takhai ei ni. A rambung hmun irsang tak ni hranga palai poimo tak khom ei ni sa.

3. Vanram Devana Palai mophurna lian tak cheltu ei ni.

Krista Palai ei nia; khasikin, ei sinthona ata ei irngam (*re-tire*) hrang ni mah. Palai chu a sin a itho mai hrang a ni.

Insîrsôpna:

29th September, 2015 (Sinnõkni / Tuesday)

Thupui: Mitin ta hranga Krista a thi

(II Kor. 5:14b)

Chairman : _____

Thuhriltu : _____

Jisua Krista chu mitin ta hranga thi a ni. Khasikin, Jisua thina hi mi murdi hin ei inhriat hrang a poimo tak tak a ni.

1. Jisua Krista sin ei thona chu Jisua thurchi dik le omdânsa hi midanghai ei inhrihai hi a ni.


2. Einihai hi Krista thurchi dik inhriattu dik tak ei ni. Khanisian, atun tenh hin mi tam takin lan hre loia, la pom loi an tam tak tak a ni. Khasikin, tho fe ei ta mitin kuanga hin Thurchi Sa va hril ta ei ti.

Insîrsôpna:-

Ni sinthona hmunhaia hin Thurshi Sa hi ni tualbom le ni sintho

CACHAR HILL TRIBES SYNOD

Beirual Programme - 2015
1st - 30th September, 2015



Thupui: - Kristaa siamtharnôkna nun
(Renewing Life in Christ)

Siamtu
Rev. Joshua Jeme, B.

D.

